

儀

禮

附校錄

二



禮

儀

錄校附

(二)

注 玄 鄭
校 烈 丕 黃

儀禮卷第九

公食大夫禮第九

公食大夫之禮。使大夫戒。各以其爵。

戒。猶告也。告之。必使同班。敵者。易以相親敬。

上介出請入告。

問所以來事。

三辭。

爲既先受。賜不敢當。

賓出拜辱。

拜使者屈。

辱來迎已。大夫不荅拜。將命。

不荅。爲人使也。將。猶致也。

賓再拜稽首。

受命。

大夫還。

復於君。

賓不拜送。遂從之。

不拜送者。爲從之不終事。

賓朝服卽位于

大門外。如聘。

於是朝服。則初時玄端。如聘。亦入於次侯。

卽位。

主人也。擯者侯君於大門外。卿大夫士序及宰夫具其饌物。皆於廟門之外。

羹定。

肉謂之羹。定。猶孰也。著之者。下以爲節。

甸人陳鼎七。當

門南面。西上。設局。鼎。鼎若束若編。

七鼎。一大牢也。甸人。冢宰之屬。兼亨人者。南面西上。以其爲賓。統於外也。局。鼎扛。所以舉之者也。凡鼎。鼎蓋以茅爲之。長則束本。短則編其中央。今文局作鉉。古文鼎皆作密。

設洗

如饗。

必如饗者。先饗後食。如其近者也。饗。禮亡。

燕禮則設洗於阼階東南。古文饗或作鄉。

小臣具槃匱。在東堂下。爲公盥也。公尊。不就洗。小臣於小賓客饗食。掌正君服位。

宰夫設筵。加席几。

設筵於戶

西。南面而左。几。公不賓至授几者。親設滑盥。可以略此。

無尊。

主於食。不獻酬。

飲酒。漿飲。俟于東房。

飲酒。清酒也。漿。飲。誠漿也。其俟。奠於豐上也。飲酒先言。飲明非獻酬之酒也。漿。飲先言。漿。別於六飲也。

凡宰夫之

具饌于東房。

凡。非一也。飲食之具。宰夫所掌也。酒漿不在凡中者。雖無尊。猶嫌在堂。

公如賓服。迎賓于大門內。

不出大門。降於國君。

大夫納賓。

大夫。謂上擯也。納賓以公命。

賓入門

左公再拜賓辟再拜稽首。左西方賓位也。辟遠遁不敢當君拜也。公揖入賓從。揖入。揖入及廟門。公揖入。廟。廟。賓入三揖。每曲揖及當碑揖。相人偶。至于

階三讓。讓先升。公升二等賓升。遠下人君。大夫立于東夾南西面北上。東夾南東西節也。取節於夾。明東於堂。士立于門東北面西上。統於門者。

非其正位。小臣東堂下南面西上。宰東夾北西面南上。宰宰夫之屬也。古文無南上。內官之士在宰東北西面南上。夫人之官。內宰之屬。辟賓在此。

也。自卿大夫至此。不先即位。從君而入者。明助君饗食賓自無事。介門西北面西上。西上。自統於賓也。然則承擯以下立於士西少進東上。公當楣北鄉至再拜賓降也。公再拜。謂

之祭。至再拜者。與體俟賓。嘉其來也。公再拜。賓降矣。賓西階東北面荅拜。西階東。少就主君敬也。擯者辭。辭拜於下。拜也。公降一等辭曰。寡君從子。雖將拜。與

也。賓降再拜。公降。擯者釋辭矣。賓猶降。終其再拜稽首與起也。賓栗階升不拜。自以已拜。栗實栗也。不拾級連步。趨主國君之命。不拾級而下曰是。命之成拜。階上北面再拜稽首。賓降拜主

君辭之。賓雖終拜。於主君之意。猶爲不成。士舉鼎去。冪於外。次入。陳鼎于碑南面西上。右人抽扃。坐奠于鼎西南順。出自鼎西。左人

待載。入由東。出由西。明爲賓也。今文奠爲委。古文待爲持。雍人以俎入。陳于鼎南。旅人南面加匕于鼎退。旅人。雍人之屬。旅食者也。雍人言入。旅人言退。文互相備也。出入之由。亦如舉鼎者。

匕俎每器一人。諸侯官多也。大夫長盥。洗東南西北面上。序進盥。退者與進者交于前。卒盥。序進南面匕。長。以長幼也。序。猶更也。前洗南。載者

西面。載者左人亦序自鼎東。西面於其前大夫七則載之。魚臠飪。飪，孰也。食體宜孰。饗有腥者。載體進奏。體，謂性與臠也。奏，謂皮膚之理也。進其理本在前下大夫體七介。魚七縮俎。寢右。右首也。寢右進饗也。

乾魚近腴。腴，以其同類也。不異其牛羊。腸胃七同俎。腴賤也。此俎實凡二十八。倫膚七。倫，理也。謂精理滑肥者。今文倫或作論。腸胃膚皆橫諸俎垂之。順其在牲之性也。腸胃垂及俎拒。

夫既匕匕奠于鼎逆退復位。事畢宜由便也。士載者又待設俎。公降盥。將設。賓降公辭。辭其從已。卒盥公壹揖壹讓公升賓升。揖讓皆壹殺於。

初古文壹宰夫自東房授醯醬。授，授公也。醯醬以醢和醬。公設之。以其爲饌本。賓辭北面坐遷而東遷所。東遷所，奠之東側其故處。公立于序內西

鄉。不立阼階上示親饌。賓立于階西疑立。不立階上以主君離阼也。疑，正立也。自定之貌。今文曰西階。宰夫自東房薦豆六設于醬東西上韭菹以東醯醢

昌本昌本南麋藿以西菁菹鹿藿。醢醢，醢有醢。昌本，昌蒲本菹也。醢有骨。謂之藿菁藿菹也。今文藿皆作藥。士設俎于豆南西上牛羊豕魚在牛南

臘腸胃亞之。亞，次也。不言絳錯俎尊。膚以爲特。直豕與腸胃東也。特膚者出下牲賤。旅人取匕甸人舉鼎順出奠于其所。以其空也。其所謂當門。宰夫設黍

稷六簋于俎西二以並東北上黍當牛俎其西稷錯以終南陳。並，併也。今文曰併。古文簋皆作軌。大羹滂不和寶于鐙宰右

執鐙左執蓋由門入升自阼階盡階不升堂授公以蓋降出入反位。大羹，滂，養肉汁也。大古之羹不和。無鹽菜瓦豆謂之鐙宰謂大宰宰夫之長也。有蓋者饌自外

入爲風塵今文清爲汁又曰入門自阼階無升

公設之于醬西賓辭坐遷之亦東遷所

宰夫設鉶四于豆西東上牛以西羊羊南豕豕以東

牛鉶榮和羹之器

飲酒實于罇加于豐豐所以承罇者也如豆而卑

宰夫右執罇左執豐進設于豆東食有酒者優賓也設于豆東不舉也燕禮記曰凡奠者於左宰夫

東面坐啓籩會各卻于其西

會蓋蓋也亦一一合卻之各當其蓋之西

贊者負東房南面告具于公

負東房負房戶而立也南面者欲得鄉公與賓也

公再拜揖

食再拜拜賓饌具

賓降拜答公拜

公辭賓升再拜稽首

不言成拜降未拜

賓升席坐取韭菹以辯孺于醢上豆之間祭搗菹也贊

者東面坐取黍實于左手辯又取稷辯反于右手與以授賓賓祭之

取授以右手便也賓亦興受坐祭之於豆祭也獨云贊興優賓也少儀曰受立授立不坐三

牲之肺不離贊者辯取之壹以授賓

肺不離者刑之也不言刑刑則祭肺也此舉肺不離而刑之便賓祭也祭離肺者絕肺祭也壹猶稍古文壹作一

賓興受坐祭於是云賓興受坐祭重牲也賓

亦每肺興受祭於豆祭

拱手扱上鉶以柄辯孺之上鉶之間祭

扱以柄扱其柔鉶也扱也拭以巾

祭飲酒於上豆之間魚臘醬醢不祭不祭者非

食物之盛者

宰夫授公飯梁公設之于清西賓北面辭坐遷之

既告具矣而又設此殷勤之加也遷之遷而西之以其東上也

公與賓皆復初位位序內西階

宰夫膳稻于梁西

膳猶進也進稻梁者以簋

士羞庶羞皆有大蓋執豆如宰

羞進也庶衆也進衆珍味可進者大以肥美者特爲贊所以祭也魚或謂之膾膾大也唯醢醬無大如宰如其進大羹醢

右執豆。先者反之。由門入。升自西階。庶羞多。羞人不足。則相授於階上。復出取也。先者一人升。設于稻南簋西。間容人。簋西。黍稷也。必言稻南者。明庶羞加不

與正豆併也。間容人。旁四列。西北上。不統於正饌者。雖加。自是腳以東。臠。臠。牛炙。臠。臠。今時臠也。牛曰臠。豕曰臠。豕曰炙。南者。賓當從間往來也。一饌是所謂饌。載中別。

醢以西。牛臠。醢。牛臠。先設醢。釋之以次也。肉則謂指。爲餽。然則贈用醢。今文餽作醢。鮓南。羊炙。以東。羊臠。醢。豕炙。炙南。醢。以西。豕臠。芥醬。魚臠。芥

芥實醬也。內則曰。膳春用葱。秋用芥。衆人騰羞者。盡階不升堂。授以蓋。降出。膳。當作臠。臠。送也。授授先者一人。贊者負東房。告備于公。復告庶羞具。贊者以其異饌。

升賓。以公命。命賓升席。賓坐席末。取梁卽稻。祭于醬。涪間。卽就也。祭稻梁。不於豆。祭加宜於加。贊者北面坐。辯取庶羞之大興。一以授賓。

賓受。兼壹祭之。壹。壹受之。而兼一祭之。庶羞輕也。自祭之於腳臠之間。以異饌也。賓降拜。拜庶羞。公辭。賓升。再拜稽首。公荅再拜。賓北面自間坐。左

擁簋梁。右執涪。以降。自間坐。由兩饌之間也。擁。抱也。必取梁者。公所設也。以之降者。堂尊處。欲食於階下然也。公辭。賓西面坐。奠于階西。東面對。西面坐。取之。栗

階升。北面反。奠于其所。降辭。公。奠而後對。成其意也。降辭。公敬也。必辭公者。爲其尊而親臨已食侍食。贊者之事。公許。賓升。公揖。退于箱。箱。東夾之前。俟事之處。贊者退

負東塾而立。無事。賓坐。遂卷加席。公不辭。贊者以告公。公聽之。重來。優賓。賓三飯。以涪醬。每飯歡涪。以着搗醬。食正饌也。三飯而止。君子食不求飽。不言其着優賓。宰夫執殽

漿飲與其豐以進

此進漱也。非爲卒食。爲將有事。緣賓意欲自潔清。

賓拱手與受

受

宰夫設其豐于稻西

酒在東。漿在西。是所謂左酒右漿。

庭實設

乘皮

祭遂飲奠於豐上

飲

公受宰夫束帛以侑西鄉立

束帛十端帛也。侑猶勸也。主國君以爲食賓殷勤之意未至。復發幣以勸之。欲用深安賓也。西鄉立序內位也。受束帛於序端。

賓降筵

北面

以君將有命也。

擯者進相幣

爲君釋幣。辭於賓。

賓降辭幣升聽命

降辭幣。主國君又命之升聽命。釋許辭。

降拜

當拜受幣。

公辭賓升再拜稽首受

幣當東楹北面

主國君南面授之。當東楹。者欲得君行一臣行二也。

退西楹西東面立

俟主國君送幣也。退不負序以將降。

公壹拜賓降也公再拜

賓不敢介逆出。

以賓事畢

賓北面揖執庭實以出

揖執者。示親受。

公降立

俟賓反。

上介受賓幣從者訝受皮

從者。府史之屬。訝迎也。今文曰拑受。

賓入門左沒霤北

面再拜稽首

便退則食禮未卒不退則嫌更入行拜若欲從此退。

公辭

止其拜使之卒食。

揖讓如初

如初入也。

升賓再拜稽首公荅再拜

賓拜拜主國君之厚意。賓揖介入復位。

賓

降辭公如初

將復食。

賓升公揖退于箱賓卒食會飯三飲

卒已也。已食會飯三漱漿也。會飯謂黍稷也。此食黍稷則初時食稻粱。

不以醬滫

不復用正饌也。初時食加飯用。

正饌此食正飯用庶羞互相成也。後言滫者滫或時後用。

拱手與北面坐取粱與醬以降西面坐奠于階西

示親徹也。不以出者非所當得又以已得侑。

東面再拜稽首

卒食拜也不北面者異於辭。

公降再拜

荅之也不辭之使升堂明禮有終。

介逆出賓出公送于大門內再拜

賓不顧

初來揖讓而退不顧退禮略也。示難進易退之義。擯者以賓不顧告。

公乃有司卷三牲之俎歸于賓館。卷猶收也。無遺之辭也。三牲之俎正饌尤尊。盡以歸賓尊之至。歸俎者實於簠。它時有所釋故。魚臘不與。以三牲之俎無所釋故也。禮之有餘爲施惠。不言腸胃膚者在。

魚臘下不與可知也。古文興作臘。明日賓朝服拜賜于朝。拜食與侑幣皆再拜稽首。朝謂大門外。訝聽之。受其言入告出報也。此下大夫有士訝。上大夫八

豆八簋六鉶九俎魚臘皆二俎。記公食上大夫異於下大夫之數。豆加葵菹鰒。鉶四四爲列。俎加鮮魚鮮臘。三三爲列。無特。魚腸胃倫膚若九若十有一下大夫

則若七若九。此以命數爲差也。九謂再命者也。十一謂三命者也。七謂一命者也。九或上或下。者再命謂小國之卿。次國之大夫也。卿則曰上大夫則曰下大夫。國之孤視子男。庶羞西東毋過四列。謂上下大夫也。古文毋爲

無。上大夫庶羞二十加於下大夫以雉兔鶉鴛。鶉無母。若不親食。謂主國君有疾病若它故。使大夫各以其爵朝服以侑幣致

之。執幣以將命。豆實實于簠陳于楹外二以並北陳簋實實于筐陳于楹內兩楹閒二以並南陳。陳簠簋於楹閒者象授受於堂中也。

南北相當以食饌同列耳。邳北陳者變於食。鮮臘雉兔鶉鴛不陳於堂辟正饌。庭實陳于碑外。執乘皮者也不參分庭一在南者以

霽數如豆醢芥醬從焉。筐米四今文並作併。牛羊豕陳于門內西方東上。爲其踐汙館庭使近外。賓朝服以受如受饗禮。朝服食禮輕也。無擯。以已本宜往。明日賓朝服以拜

賜于朝訝聽命。賜亦謂食侑幣。大夫相食親戒速。謂異於君者也。速召也。先就告之歸具既具復自召之。迎賓于門外拜至皆如饗拜。饗大夫相饗之禮也。今亡古文饗或

作降盥受醬湑侑幣束錦也皆自阼階降堂受授者升一等皆者謂受醬受湑受幣也侑用束錦賓止也主人三降賓不從

賓執梁與湑之西序端不敢食於尊處主人辭賓反之卷加席主人辭賓反之辭幣降一等主人從從辭受侑幣再

拜稽首主人送幣亦然辭於主人降一等主人從辭謂辭其臨已食卒食徹于西序端亦親東面再拜降出拜亦拜卒食

其他皆如公食大夫之禮若不親食則公作大夫朝服以侑幣致之作使也大夫有故君必使其同爵者爲之致禮列國之賓來榮辱之事君臣同賓受

于堂無擯與受君禮同記不宿戒食體輕也此所以不宿戒者謂前期三日之戒申戒爲宿謂前期一日戒不速食賓之朝風與戒之賓則從戒者而來不復召不授几異於醴也無阼席公不坐

亨于門外東方必於門外者大夫之事也東方者主陽司宮具几與蒲筵常緇布純加萑席尋玄帛純皆卷自末司宮大宰之屬掌宮廟者也丈六尺日常

半常曰尋純緣也萑細葦也末經所終有以識之必長筵者以有左右饌也今文萑皆爲莞宰夫筵出自東房筵本在房宰夫敷之也天子諸侯左右房賓之乘車在大門外西方北面立

賓車不入門廣敬也凡賓即朝中道而往將至下行而後車還立於西方賓及位而止北面卿大夫之位當車前凡朝位賓主之間各以命數爲遠近之節也釧毛牛養羊苦豕薇皆有滑藿豆菜也苦苦茶也滑蕒菜之屬今文普

爲替者盥從俎升俎其所簠蓋幕稻粱將食乃設去會於房蓋以幕幕巾也今文或作幕凡炙無醬已有鹹和上大夫蒲筵加萑席其純皆如下

羊有事

大夫純。謂三命大夫也。孤爲賓。則卿擯由下。不升堂也。上贊。下大夫也。上。謂堂上。擯贊者。事相近。以佐上下爲名。上大夫。庶羞酒飲漿飲庶羞可

也。於食庶羞。宰夫又設酒漿。拜食與侑幣。皆再拜稽首。嫌上大夫以之食庶羞可也。以優賓。不稽首。

儀禮卷第十

覲禮第十 儀禮

覲禮至于郊。王使人皮弁用璧勞。侯氏亦皮弁迎于帷門之外。再拜。

郊謂近郊。去王城五十里。小行人職曰。凡諸侯入王則逆勞于畿。則郊勞者大行人也。皮弁者。

天子之朝朝服也。璧無束帛者。天子之玉尊也。不言諸侯。言侯氏者。明國殊舍異禮。不凡之也。郊舍狹窄。爲帷宮以受勞。掌舍職曰。爲帷宮設旌門。

使者不答拜。遂執玉三揖。至于階。使者不讓。先升。

侯氏升聽命。降。再拜稽首。遂升受玉。

不答拜者。爲人使。不當其禮也。不讓先升。奉王命尊也。升者。升壇。使者東面致命。侯氏東階上四面聽之。

使者左還而立。侯氏還壁。使

者受。侯氏降。再拜稽首。使者乃出。

左還。還南面。示將去也。立者。見侯氏將有事於已。侯之也。還玉重禮。

侯氏乃止使者。使者乃入。侯氏與之讓。升。侯

氏先升。授几。侯氏拜送几。使者設几。答拜。

侯氏先升。賓禮統焉。几者。安賓。所以崇優厚也。上介出止使者。則已布席也。

侯氏用束帛乘馬。僎使者。使者

再拜受。侯氏再拜送幣。

僎使者。所以致尊敬也。拜者各於其階。

使者降。以左驂出。侯氏送于門外。再拜。侯氏遂從之。

驂馬曰驂。左驂設在四者其餘。

三馬。侯氏之士遂以出授使者之從者于外。從之者遂隨使者以至朝。

天子賜舍。

以其新至。道路勞苦。未受其禮。且使即安也。賜舍猶致館也。所使者司空興。小行人爲承僎。今文賜皆作錫。

曰。伯父。女順命于王所。

賜伯父舍。

此使者致館辭。

侯氏再拜稽首。

受館。

僕之束帛乘馬。

王使人以命致館。無禮。猶僕之者。尊王使也。侯氏受館於外。既則僕使者於內。

天子使大夫戒曰。某日。

伯父帥乃初事。

大夫者。卿爲訝者也。掌訝職曰。凡訝者。賓客至而往詔相其事。戒猶告也。其爲告使順循其事也。初猶故也。古文帥作率。

侯氏再拜稽首。

受觀日也。

諸侯前朝。皆受舍于朝。

同姓西面北上。異姓東面北上。

言諸侯者。明來朝者衆矣。願其入觀不得並耳。受舍於朝。受次于文王廟門之外。聘禮曰。宗人授次。次以帷少。退于君之次。則是次也。言舍者。尊舍也。天子使掌次爲之。諸侯上介先朝受焉。此觀

也。言朝者。觀遇之禮。雖簡。其來之心。猶若朝也。分別同姓異姓。受之將有先後也。春秋傳曰。寡人若朝於薛。不敢與諸任齒。則周禮先同姓。

侯氏裨冕。釋幣于禰。

將觀實明時也。裨冕者。衣裨衣而冠冕也。裨之爲言埤也。天子六服。大裘爲上。

其餘爲裨。以事尊卑服之。而諸侯亦服焉。上公袞無升龍。侯伯鷩。子男毳。孤緇。卿大夫玄。此差。司服所掌也。禰。謂行主遷主矣。而云

乘墨

車載龍旂。弧韞。乃朝以瑞玉。有纁。

墨車。大夫制也。乘之者。入天子之國。車服不可盡同也。交龍爲旂。諸侯之所建。弧。所以張縵之弓也。弓衣曰韞。瑞玉。謂公桓圭。侯信圭。伯躬圭。子穀璧。男蒲璧。纁。所以藉玉。以章衣木。廣袤各

如其玉之大小。以朱白蒼爲六色。今文玉爲圭。纁或爲璆。

天子設斧依於戶牖之間。左右几。

依。如今綈素屏風也。有繡斧文。所以示威也。斧謂之黼。几。玉几也。左右者。優至尊也。其席筵席紛純。如繡席。畫純。加次席。黼純。

天子袞冕。負斧依。

袞衣者。裨之上也。纁之爲九章。其龍。天子有升龍。有降龍。衣此衣而冠冕。南鄉而立。以俟諸侯見。

嗇夫承命。告于天子。

嗇夫。蓋司空之屬也。爲未擯。承命於侯氏下介。傳而上。上擯以告于

天子。天子見公。擯者五人。見侯伯。擯者四人。見子男。擯者三人。皆宗伯爲上。擯。春秋傳曰。齊夫龍。

天子曰。非他。伯父實來。予一人嘉之。伯父其入。予一人將受之。

言非他者。

親之辭。嘉之者。美之辭也。上擯又傳此而下。至喬夫。侯氏之下。侯氏入門右。坐奠圭。再拜稽首。入門而右。執臣道。不敢由賓客位也。卑者見尊。莫擊而不授。

者謁。謁。猶告也。上擯告以天子前辭。欲親受之。如賓客也。其辭所易者。曰伯父其升。侯氏坐取圭。升致命。王受之。玉。侯氏降。階東北面。再拜稽首。擯者延

之。曰。升。升成拜。乃出。擯者請之。侯氏坐取圭。則遂左。降拜稽首。送玉也。從後詔禮曰。延延進也。四享。皆束帛加璧。庭實唯國所有。四。當爲三。古書作三四。或皆積畫。此篇又多四字。字相似。

由此誤也。大行人職曰。諸侯廟中將幣。皆三享。其禮差又無取於四也。初享。或用馬。或用虎豹之皮。其次享。三牲魚膳。籩豆之實。龜也。金也。丹漆絲纈竹箭也。其餘無常貨。此地物非一國所能有。唯所有分爲三享。皆以璧帛致之。奉束帛。匹馬卓上。

九馬隨之。中庭西上。奠幣。再拜稽首。卓。讀如卓王孫之卓。卓。猶的也。以素的一馬以爲上。書其國名。後當識其何產也。馬必十匹者。不敢斥王之乘。用成數敬也。擯者曰。予一人將受

之。亦言王欲親受之。侯氏升致命。王撫玉。侯氏降。自西階東。面授宰幣。西階前再拜稽首。以馬出。授人。九馬隨之。王不

受玉。撫之而已。輕財也。以馬出。隨侯氏出。授王人於外也。事畢。三享訖。乃右肉袒于廟門之東。乃入門右。北面立。告聽事。右

租者。刑宜施於右也。凡以禮事者。左祖。入更從右者。臣益純也。擯者謁諸天子。天子辭於侯氏曰。伯父無事。歸寧乃邦。告。謁。告聽事者。告王以國所用爲罪之事也。易曰。折其右肱。無咎。

寧。安也。乃。猶女也。侯氏再拜稽首。出。自屏南。適門西。遂入門左。北面立。王勞之。再拜稽首。擯者延之。曰。升。升成拜。降

出。王辭之不卽左者。當出隱於屏而聽。天子賜侯氏以車服。迎于外門外。再拜。賜車者。同姓以金路。異姓以象路。服則衰也。驚也。義也。古文曰迎于門外也。路先

設。西上路下四亞之。重賜無數。在車南。路。謂車也。凡君所乘車曰路。路下四。謂乘馬也。亞之。次車而東也。詩云。君子來朝。何錫予之。雖無予之路車乘馬。又何予之。玄衮及黼。重猶善也。所賜賜善物。多少由恩也。春秋傳曰。重錦三十兩。諸公奉篋服。加命書于其上升。自西階東面。大史是右。

言諸公者。王同時分命之。而使賜侯氏也。右。讀如周公。右王之右。是右者。始隨入於升東面。乃居其右。古文是

爲氏侯氏升。西面立。大史述命。讀王命書也。侯氏降。兩階之間。北面再拜稽首。受命。大史辭之降也。春秋傳曰。且有後命。以伯舅耄老。毋下拜。此辭

之類。大史加書于服上。侯氏受。受篋服。使者出。侯氏送。再拜。僎使者。諸公賜服者束帛四馬。僎大史。亦如之。既云拜送。

乃言僎使者。以勞有成。禮略而遂言。同姓大國。則曰伯父。其異姓。則曰伯舅。同姓小邦。則曰叔父。其異姓小邦。則曰叔舅。據此禮云。伯父。

同姓大邦而言。饗禮。乃歸。禮。謂食燕也。王或不親。以其禮幣致之。略言饗禮。互文也。掌客職曰。上公三饗。三食。三燕。侯伯再饗。再食。再燕。子男。饗一食。一燕。諸侯覲于天子。爲宮方三百步。四門。壇

十有二尋。深四尺。加方明于其上。四時朝覲。受之於廟。此謂時會殷同也。宮。謂壇土爲埽。以象牆壁也。爲宮者。於國外。春會同。則於東方。夏。同。則於南方。秋會同。則於西方。冬會同。則於北方。八尺曰尋。十有二尋。則方九十

六尺也。深。謂高也。從上曰深。司儀職曰。爲壇三成。成猶重也。三重者。自下差之爲二等。而上有堂焉。堂上方二丈四尺。上等。中等。下等。每而十二尺。方明者。上下四方神明之象也。上下四方之神者。所謂神明也。會同而照。明神監之。則謂之天之司盟。有象者。猶宗廟之有主乎。王

巡守。至于方嶽之下。諸侯會之。亦爲此宮以見之。司儀職曰。將會諸侯。則命爲壇三成。宮旁一門。詔王儀。南鄉見諸侯也。

方明者。木也。方四尺。設六色。東方青。南方赤。西方白。北方

黑。上玄下黃。設六玉。上圭下璧。南方璋。西方琥。北方璜。東方圭。

六色象其神。六玉以禮之上。宜以蒼璧。下宜以黃琮。而不以者。則上下之神。非天地之至貴者也。設玉者。刻其

木而著之。

上介皆奉其君之旂。置于宮。尙左。公侯伯子男。皆就其旂而立。

置於宮者。建之。豫爲其君見王之位也。諸公中階之前。北面東上。諸侯東階之東。西面北上。諸伯西

階之西。東面北上。諸子門東北面東上。諸男門西北面東上。尙左者。建旂。公東上。侯先伯。伯先子。子先男。而位皆上東方也。諸侯入墻門。或左或右。各就其旂而立。王降階。南鄉見之。三士揖揖庶姓。時揖異姓。天揖同姓。見揖位乃定。古文尙作上。

四傳擯。王既揖五

者。升壇。設擯。升諸侯。以會同之禮。其奠瑞玉及享幣。公拜於上等。侯伯於中等。子男於下等。擯者每延之。升堂致命。王受玉。撫玉。降拜於下等。及請事。勞皆如覲禮。是以記之。觀云。四傳擯者。每一位畢。擯者以告。乃更陳列而升。其次。公也。侯也。伯也。各一位。子男俠門而俱東上。亦

一位也。至庭。乃設擯。則諸侯初入門。王官之伯帥之耳。古文傳作傳。

天子乘龍。載大旆。象日月升龍降龍。出拜日於東門之外。反祀方明。

此謂會同以春者也。馬八

尺以上爲龍。大旆。大常也。王建大常。繆首畫日月。其下及旒。交畫升龍降龍。朝事儀曰。天子冕而執鎮圭。尺有二寸。繅籍尺有二寸。擯大圭。

乘大路。建大常。十有二旒。樊纓十有二就。貳車十有二乘。帥諸侯而朝日於東郊。所以教尊尊也。退而朝諸侯。由此二者言之。已祀方明。乃

以會同之禮見諸侯也。凡會同者。不協而盟。司盟職曰。凡邦國有疑。會同則掌其盟約之載書。及其禮儀。北面詔明神。既盟則藏之。言北面詔明神。則明神有象也。象者其方明乎。及照時。又加於壇上。乃以載辭告焉。詛祝掌其祝號。禮日於南門外。禮

月與四瀆於北門外。禮山川丘陵於西門外。

此謂會同以夏冬秋者也。變拜言禮者。容祀也。禮月於北郊者。月。大陰之精。以爲地神也。照神必云日月山川。爲者尙者明也。詩曰。謂子不信。有如皦日。春秋